

孫	崔	劉	盧	瞿	鄭	張
瑩	瓘	峽	賈	懷恩	叔清	延賞
崔	蕭	李	張	韓	張	
伯陽	定	遵	懷瓘	穎	鎬	
韓	張	陸	張	劉	張	
浣	獻誠	羽	志和	源	鎰	
崔	韋	王	王	劉	李	
造	元甫	冰	契	寬	至	

全唐文 卷四百三十二之四百三十四

竹居攷廬

張	舒	曜	崔	崔	崔
青	青	青	青	青	青
張	舒	曜	崔	崔	崔
青	青	青	青	青	青
張	舒	曜	崔	崔	崔
青	青	青	青	青	青
張	舒	曜	崔	崔	崔
青	青	青	青	青	青
張	舒	曜	崔	崔	崔
青	青	青	青	青	青

竹
居
賦
序

全唐文
卷一百一十五

欽定全唐文卷四百三十二目錄

張延賞

南門記

張鎬


諫招撫史思明奏

諫內置道場奏

請追諡常王傅吳兢奏

張鎰

論奴僕告主疏



與吐蕃盟

李至

諫貸死以流人使自効疏

鄭叔清

鬻爵條格奏

韓穎

請定五官正朝冠奏

劉源

請置銀川監牧奏

劉寬

諫中官打人表

僕固懷恩

陳情書

張懷瓘

書斷序

文字論

二王書錄

玉堂禁經

書議

書估

書斷評

書斷論

六體書論

古賢能書錄

評書藥石論

書斷贊

欽定全唐文卷四百三十二

張延賞

延賞中書令嘉貞子本名寶符元宗取賞延於世之義改
焉特授左司禦率府兵曹叅軍肅宗在鳳翔拜監察御史
累擢太原少尹兼行軍司馬北都副留守代宗朝拜御史
大夫歷淮南荆南劍南西川節度觀察使尋加吏部尚書
貞元元年徵拜中書侍郎同中書門下平章事三年薨年
六十一贈太保諡曰成肅

南門記

崇高莫大於君親嚴莫大於父君有覆燾父有訓育逮於
夷貊生知禽獸性感不俟教解也而肖形之內戾氣間存
觸瑟生災夢牛成患何代不有可勝言哉賊眈焚門亦由
是也族滅門覆爲愚者鑒誠所以書其所由來其餘則詞
存於左右壁矣興元元年記

張鎬

鎬字從周博州人天寶末拜左拾遺歷侍御史肅宗卽位
擢諫議大夫遷中書侍郎同中書門下平章事尋兼河南
節度使都統淮南諸軍事封南陽郡公罷爲荊州大都督

府長史代宗初更封平原郡公授江南西道都團練觀察
等使廣德二年卒

諫招撫史思明奏

思明凶豎因逆竊位兵強則眾附勢奪則人離包藏不測
禽獸無異可以計取難以義招伏望不以威權假之又滑
州防禦使許叔冀性狡多謀臨斷必變望追入宿衛

諫內置道場奏

臣聞天子修福當在安養蒼生靖風化未聞區區僧教
以致太平伏願陛下以無爲爲心不以小乘撓聖慮也

請追諡常王傅吳兢奏

故常王傅吳兢先朝史臣歷踐中外大行忠信彰於朝野
伏以訓誡明旨諡法攸遵臣早歲服膺備知名實相副特
乞聖恩褒其嘉諡

張鎰

鎰字季權一字公度蘇州人以蔭授左衛兵曹參軍累遷
殿中侍御史乾元時遷屯田員外郎大厯中出厯濠州壽
州刺史建中初拜中書侍郎平章事從德宗幸奉天李楚
琳作亂鎰爲所殺贈太子太傅

論奴僕告主疏

伏見趙縱爲奴所告下獄人皆震懼未測聖情貞觀二年
太宗謂侍臣曰比有奴告其主謀逆此極弊法特須禁斷
假令有謀反者必不獨成自有他人論之豈藉其奴告也
自今以後奴告主者皆不受盡令斬決由是賤不得干貴
下不得陵上教化之本旣正悖亂之漸不生爲國之經百
代難改欲全其事體實在防微頃者長安令李濟得罪因
奴萬年令霍晏得罪因婢愚賤之輩悖慢成風主反畏之
動遭誣告充溢府縣莫能斷決建中元年五月二十八日

詔曰準鬪競律諸奴婢告主非謀叛已上者同自首法並
準律處分自此奴婢復順獄訴稍息今趙縱非叛逆奴實
姦凶奴在禁中縱獨下獄考之於法或恐未正將帥之功
莫大於子儀人臣之位莫大於尚父歿身未幾墳土僅乾
兩壻先已當辜趙縱今又下獄設令縱實抵法所告非奴
纔經數月連罪三壻錄勲念舊猶或可容況在章程本宜
宥免陛下方誅羣賊大用武臣雖見寵於當時恐息望於
他日太宗之令典尚在陛下之明詔始行一朝偕違不與
眾守於教化恐失於刑法恐煩所益悉無所傷至廣臣非

私趙縱非惡此奴叨居股肱職在匡弼斯是大體敢不極
言伏乞聖慈納臣愚懇

與吐蕃盟文

唐有天下恢奄禹跡舟車所至莫不率俾以累聖重光卜
年惟永恢王者之丕業被四海以聲教與吐蕃贊普代爲
婚姻因結鄰好安危同體甥舅之國將二百年其間或因
小忿弃惠爲讎封疆騷然靡有寧歲皇帝踐祚愍茲黎元
乃釋俘囚悉歸蕃落二國展禮同茲協和行人往復累布
成命是必詐謀不起兵革不用矣彼猶以兩國之要求之

永久古有結盟今請用之國家務息邊人外其故地弃利
蹈義堅盟從約今國家所守界涇州西至彈箏峽西口隴
州西至清水縣鳳州西至同父縣暨劍南西山大渡河東
爲漢界蕃國守鎮在蘭渭原會西使臨洮又東至成州抵
劍南西界磨在些諸蠻大渡水西南爲蕃界其兵馬鎮守
之處州縣見有居人彼此兩邊見屬漢諸蠻以今所分見
住處依前爲定其黃河以北從故新泉軍直北至大磧南
至賀蘭山駱駝嶺爲界中間悉爲閒田盟文所有不載者
蕃有兵馬處蕃守漢有兵馬處漢守不得侵越其先未有

兵馬處不得雜置并築城堡耕種今二國將相受辭而會齋戒將事告天地山川之神照臨無得愆墜其盟文藏於郊廟副在有司二國之誠其永保之

李至

至肅宗時人

諫貸死以流人使自効疏

聖人誅亂必先示法令崇禮義漢始入關約法三章殺人者死不易之法也按將軍去榮以朔方偏裨提數千士不能整行列挾怨殺縣令有犯上之逆或曰去榮善守陝新

下非去榮不可守臣謂不然李光弼守太原程千里守上
黨許叔冀守靈昌魯炅守南陽賈贲守雍邱張巡守睢陽
初無去榮未聞賊能下也以一能而免死彼弧矢絕倫劍
術無前者恃能犯上何以止之若赦去榮誅將來是法不
一而招罪人也惜一去榮殺十去榮之材其傷蓋多彼逆
亂之人有逆於此而順於彼乎亂富平而治於陝乎悖縣
令能不悖於君乎律令者太宗之律令陛下不可以一士
小材廢祖宗大法

鄭叔清

叔清至德中官侍御史江淮東西淮南道宣諭使

鬻爵條格奏

承前諸使下詔納錢物多給空名告身雖假以官賞其忠義猶未盡才能今皆量文武才藝兼情願穩便據條格擬同申奏聞便寫告身諸道士女道士僧尼如納錢請准敕迴授餘人并情願還俗授官勲邑號等亦聽如無人迴授及不願還俗者准法不合畜奴婢田宅資財既助國納錢不可更拘常格其所有資財能率十分納三分助國餘七分並任終身自蔭身歿之後亦任迴與近親又准敕納錢